

**ETUCE**  
**European Trade Union Committee for Education**  
**EI European Region**

<http://www.ei-ie.org>

**EUROPEAN REGION**  
**ETUCE**

**Predsjednik**

Christine BLOWER

**Potpredsjednici**

Odile CORDELIER

Walter DRESSCHER

Paula ENGWALL

Andreas KELLER

Galina MERKULOVA

Branimir STRUKELJ

Za:

Gosp. Bakir Izetbegović, predsjedavajući  
Predsjedništva Bosne i Hercegovine

Brisel, 9 juni

2016

MR/AKR/9835

**Predmet: Trenutne represivne mjere usmjerene protiv Sindikata osnovnog odgoja i obrazovanja u Federaciji Bosne i Hercegovine (SSOOiO FBiH)**

Poštovani gosp. Predsjedavajući,

Ovim pismom , ETUCE izražava snažnu podršku članovima naše članice, Samostalnom sindikatu osnovnog odgoja i obrazovanja u Federaciji Bosne i Hercegovine (SSOOiO FBiH).

Evropska sindikalna komisija za obrazovanje (ETUCE) predstavlja 131 sindikat obrazovanja i 11 miliona učitelja iz 48 evropskih zemalja. ETUCE je socijalni partner u oblasti obrazovanja na nivou Evropske Unije i Evropske federacije sindikata u okviru ETUC, Evropske konfederacije sindikata. ETUCE je Evropski region međunarodnog obrazovanja, globalna federacija sindikata obrazovanja.

24.maja 2016. prema informacijama dobijenim od SSOOiO FBiH, Federalno ministarstvo pravde je donijelo odluku o brisanju ovog Sindikata iz Registra udruženja. Od naše članice smo saznali da oni nisu razmatrali takvu akciju u datom periodu obzirom da tada nisu primili nikakvu prethodnu obavijest o takvoj odluci.

5, Bd du Roi Albert II, 9<sup>th</sup>  
1210 Brussels, Belgium  
Tel +32 2 224  
06 91/92  
Fax +32 2 224 06 94  
[secretariat@csee-etuice.org](mailto:secretariat@csee-etuice.org)  
<http://www.csee-etuice.org>

Obzirom da je Bosna i Hercegovina ratifikovala Konvenciju 87 MOR, o slobodi udruživanja i zaštiti prava na organizovanje, moramo vam ovom prilikom skrenuti pažnju na naš negativni zaključak da će gore opisani proces očito predstavljati grubo i neprihvatljivo kršenje ove ratifikovane Konvencije.

Više je nego zabrinjavajuće da je Bosni i Hercegovini koja je tek nedavno

podnijela svoju aplikaciju za članstvo u Evropskoj Uniji, zapravo potrebno svega nekoliko mjeseci da pokaže takav nivo nepoštovanja prema veoma suštinskom elementu evropskog socijalnog modela koji zapravo predstavlja socijalni dijalog.

Jednostavno je prepoznati da poništavanje registracije SSOiO FBiH ima za namjeru ne samo da izbriše postojanje ovog Sindikata. U stvari, ovaj korak kao i najavljeno brisanje drugih sindikata predstavlja prijetnju kompletnom sindikalnom pokretu u Bosni i Hercegovini i samim tim i kolektivnom pregovaranju putem socijalnog dijaloga.

Stoga bi vam željeli objasniti da nedavnu odluku smatramo ne samo napadom na postojeća prava, nego također, – u slučaju pristupanja Bosne i Hercegovine u EU – prijetnjom na neke ustanovljene suštinske vrijednosti u okvirima Evropske unije koje ćemo braniti svim snagama. Naime, SSOiO FBiH nije samo članica ETUCE-a, nego i mogući budući delegat Bosne i Hercegovine u Evropskom Sektorskom Socijalnom Dijalogu u Obrazovanju.

Iz tog razloga vas pozivamo da posvetite naročitu pažnju trenutnim dešavanjima koja predstavljaju ozbiljnu prijetnju demokratiji i očuvanju ljudskih i sindikalnih prava u Bosni i Hercegovini, i da učinite sve što je u vašoj moći da pomognete rješavanje ove neprihvatljive situacije. Iskreno se nadamo da ćete reagovati na našu izraženu zabrinutost i preusmjeriti proces u pravi smjer koji će zadovoljiti sve zainteresovane strane.

U suštini, pozivam vas da odmah opozovete ovu štetnu odluku tako da ne budemo primorani zahtjevati hitnu intervenciju Međunarodne organizacije rada (ILO). Istovremeno, preporučujemo da se socijalni partneri iz oblasti obrazovanja okupe oko pregovaračkog stola i počnu s konstruktivnim socijalnim dijalogom usmjerenim ka postizanju pravih rješenja. Nastavićemo da pratimo situaciju i pružamo podršku našoj članici u njenim nastojanjima da revitalizira i ojača socijalni dijalog za boljitak učitelja u Bosni i Hercegovini.

Očekujem vaš hitan i promptan odgovor.

Iskreno,

Martin Rømer  
Direktor, ETUCE